

# سورة العصر ٣ : إنا الذين آمنوا آمنوا - أسرار مع القصار - الشيخ

محمد خيرى

محمد خيرى

السلام عليكم ورحمة الله وبركاته والحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له  
واشهد ان محمدا عبده ورسوله وبعد - [00:00:00](#)

ما زال الحديث حول آيات القصار وما زلنا مع سورة العصر يقول الله سبحانه وتعالى فيها بسم الله الرحمن الرحيم والعصر ان  
الانسان لفي خسر الا الذين امنوا وعملوا الصالحات - [00:00:18](#)

وتواصوا بالحق وتواصوا بالصبر وقبل ان نكمل ما بدأناه وهو ايضا من المعاني التي في الصورة التواصي بالحق نذكر باننا الليلة التي  
نحن مقبلون عليها هي اول ليلة من ليالي - [00:00:43](#)

استثمار العشر وهذه المواسم وهذه الليالي تستقبل بقلب مفعم بالحب والفرح لانك مهما كنت شاردا عن الله سبحانه وتعالى مهما كنت  
بعيدا مهما كنت قد قصرت وابتعدت فان النبي صلى الله عليه وسلم اخبرنا - [00:01:12](#)

قائلا من قام رمضان ايمانا واحتسابا غفر له ما تقدم من ذنبه طيب انا لم اوفق في العشرين الاول من رمضان يقول النبي من صام  
رمضان ايمانا واحتسابا غفر له ما تقدم من ذنبه - [00:01:41](#)

طيب صيامي لم يكن كما كنت ارجو اذا امامك هذه الجائزة ركز بقى معنا يا عم احمد عشان تعرف الجائزة دي عشان انتم الثلاثة لو  
ابتديتوا تكلموا مع بعض هتضيعوا الجائزة معكم ولا مع حوالكم - [00:02:02](#)

ايه الجائزة دي بقى اللي باقية من قام ليلة القدر ايمانا واحتسابا الله اكبر غفر له ما تقدم من ذنب نحن كنا قبل رمضان في شهر رجب  
وشعبان مشغولين بالاستعداد - [00:02:22](#)

لرمضان نفسيا وزهنيًا وتذكيريًا وكل شيء لماذا هذا الاستعداد للامداد في رمضان. ولماذا هذا الامداد لنوفق في ليلة الوداد ليلة الحب  
ليلة التوفيق ليلة اللي فيها السلام الليلة اللي فيها الامان الليلة اللي فيها - [00:02:43](#)

على عمرك خير من الف شهر الف شهر ده يعني اكثر من ثلاثة وثمانين سنة وانت عمرك في الغالب هيكون اقل من كده يعني ليلة  
بعمرك. من يوم ما اتولدت - [00:03:05](#)

حتى تغادر الليلة دي بتعرفش تضيع الليلة دي ما ينفعش تضيع لو انا دلوقتي عملت عرض حالي وقلت لحضراتكم كده مفاجئ وبدون  
اي استعداد الهيدان وهو قاعد في الجامع من دلوقتي - [00:03:20](#)

لغاية يوم العيد في المكان اللي هو قاعد فيه لا يخرج الا للخلاء ويعود يوم العيد يا جماعة ليه فيلا في اي مكان في مصر اختارها  
وياخد راتب لمدة عشر سنين - [00:03:37](#)

لا يقل شهريا عن خمسة الاف ريال سعودي عاوزين نقول الرقم بالمصري يا سامي عاوزين حاجة سابتة ها بالله عليكم حد هيفرط  
واحد في واحد هيكون قاعد متضايق جدا لان ابنه ما جاش معه النهاردة - [00:03:57](#)

وفي واحد هيبيعت لزوجته يقول لها الحقي مصدر نساء جنبنا نطلع ده عشر تيام معلش الولد وعنده امتحانات يا ستي يسقط باقول  
لك عشر تيام وهناخد في المكان اللي احنا عاوزينه - [00:04:24](#)

طيب ليه بقى احنا بنسق في عطاء المخلوق ولا ننشغل بعبايا الخالق سبحانه وتعالى بالله عليك اللي انت هتاخده من ربنا ده اقل ازا

كنت فعلا واسق ان هو اعلى بقلبك شف انت هتعمل ايه في العشر تيام دول - [00:04:37](#)

ما فيش ولا واحد من اللي قاعدين هيقول لي والشغل اعمل ايه كنت ما انت وانت قاعد يا عم هيعملوا اللي هم هيعملوه يعني. وانا اصلا بشتغل ليه مش عشان حاجي في الاخر خالص اكمل. الراجل هيديني يوم العيد ازاي - [00:05:01](#)

تشوف الشعور ده انك والعياذ بالله لو كنت بتطوف حول الوجود كنت بتطوف عافاك الله حول وزن حولك يعني بتسجد للصنم وتعبد الدرهم والدينار ثم اليومين دول النهاردة فقت. قلت انا عايز افوق - [00:05:15](#)

اه انت جاي في وقتك انت جاي في الوقت بتاع العفو السيدة عائشة بتقول للنبي صلى الله عليه وسلم انا لو ادركت الليلة دي والليالي دي اعمل ايه يا رسول الله - [00:05:37](#)

واقول ايه؟ ايه اللي اخش عليه على طول؟ اللهم انك عفو تحب العفو مش عفو بس بتحبه كمان فاعفو عنه. يعني ايه يعفو عنا في واحد بيبقى ماشي في الصحرا وهو ماشي كده على الرمل فبيعمل اسار صح - [00:05:51](#)

فتيجي ريح شديدة جدا فايه اضطراب يتبهدل فالاسار مشيت فيقول لك ايه عفت الريح الاسر الريح مشية الاسر. فين يا عم الاسر؟ يقول لك اختفى الصحيفة بتاعتك مليانة مكتوبة فيها زنوب. صح؟ تيجي تبص على الزنوب اتعفت - [00:06:07](#)

هو لا يعصى يحب العفو لا يعفو فقط لا يحب ان يكون هذا سميت صحيفتك فبالله عليك اذا كنت تعبد ربا يحب هذا افلا تحب ان يعفى عنك ولازم احنا ننطلق - [00:06:29](#)

الاوقات دي انطلق عشان نجدد الايمان في القلوب ابويا ايه المختار؟ عشان كده النبي صلى الله عليه وسلم كان الوقت ده بيعمل ايه؟ بينقطع شد منزله اعتزل اهله واحياء ليلة وايقظ الاهل - [00:06:51](#)

زوجته نائمة يصحبها فاطمة يصحبها كله يصحى ليه سمي عطاء سيمر في حاجة هتتمر علينا في العشر الليالي دي حياتك بتتقلب الله سبحانه وتعالى اذا وفقك في هذه الليلة خلاص السنة بتاعتك اتظبطت - [00:07:10](#)

ما هو سقيل الصحائف بتاعتك تتقل ودي كلها من الاعمال الصالحة. ودي كلها من النجاة من الخسر اللي احنا بنتكلم فيه عشان كده النبي صلى الله عليه وسلم كان ايه؟ وهو مش محتاج ظاهرا - [00:07:34](#)

لكن كان يجتهد وكان يعتكف طيب دلوقتي لزروف ايا كان السبب ما فيش اعتداء اعمل ايه العلماء يقولون انك كل ما تدخل المسجد فيه حاجة اسمها اعتكاف جزئي تعال يا سيدي من العصر اقعد لغاية ما المغرب يأذن. تعال من بعد المغرب الى ان تنتهي التراويح - [00:07:49](#)

تيجي بدري كاتك تعلن النفير لقلبك وتقول لربك يا رب هذا المسموح فقد استثمرته كله انا يا رب جيت لغاية ما قالوا يلا عشان هننقل الجامع. اللهم اني اشهدك اني ما خرجت ولكني طردت - [00:08:14](#)

اه وان كنت طردت في البيت الحسي لكن انا لم اطرد على عتبة ايه؟ العبودية. والرحمة ولعل ده سبحانه الله لا تدري ما الذي يخبئه القدر فلعل ده رحمتك لك - [00:08:35](#)

انك تبدأ تعتمد على ايه مش على مجرد حاجة خارجية لا تركا اليه. فتوفق لطاعة تلاقى اتنين تلاثة من اصحابك مع اهل بيتك بيصلوا معك في البيت فينعت هذا البيت في السماء انه بيت مبارك - [00:08:51](#)

بيت من اهل القرآن فتتزل عليك الرحمتك ويغشاكم الله برحمته وتحف هذا البيت الملائكة وتنزل عليهم السكينة كل دي معاني احنا سبحانه الله ممكن نفعلها الفترة اللي جاية دي وكل شيه لم يكن بيدك - [00:09:10](#)

فالتوفيق فيه واذا كلف الله كفل سبحانه وتعالى طالما الامر ده ليس بيدك شيه انت بايدك انك وقفت التهجذ انت بايدك وقفت الاعتكاف ليس بيدك فتجتهد الفترة دي بقدر الامكان قلل على قد ما تقدر اي انشغالات - [00:09:32](#)

والله العزيز اللي هناخد اعلى من المسال اللي انا ضربته بس لن ينتبه هذا الا اصحاب القلوب الحية اللي ربنا زكركم معنا في سورة العصر الا الذين امنوا قلنا امبارح الا الذين فيها معنى الايه؟ البيئ. الصحة - [00:09:54](#)

لازم تدور على صحبة صالحة الا الذين امنوا. اه. يعني ايه امنوا؟ يعني ادرك سر الوجود بتاعه عارف ليه ربنا خلقه راجل مش تايه

النهاردة من اشهر المدارس في العلاج النفسي يقول لك مدرسة الايه؟ العلاج بالمعنى. يقول لك ليه في هشاشة نفسية كتير؟ في شباب كده - [00:10:14](#)

عيشي سهلة تايه فواضي هس لان هو مش عارف هو جاي ليه ورايح فين وايه المطلوب منه مش عايش المعنى ده بقلبه مش حاضر في عقله عشان كده دايمًا مش - [00:10:38](#)

عارف ايه؟ ايه اللي وراءه الموضوع ده؟ يقول لك طب انا اذكرت وبعدين يا ابني عشان تدخل كلية حلوة. طب دخلت الكلية الحلوة وبعدين تشتغل بقى طب وبعدين اجيب فلوس - [00:10:51](#)

يعني كل الكلام ده عشان اجيب فلوس؟ اه. طب يا ابي ادي الفلوس اهي انا راجل الحمد لله ربنا كارمني ان انا من عيلة طيبة وادي الفلوس اهي. يا ابني ما تحرجنيش بقى - [00:11:06](#)

طب جنبنا الفلوس هنعمل بها ايه؟ نتجوز وبعد ما نتجوز نخلف وبعد ما نخلف ندخل ولادنا البيت نفس المكنة والترس ده وبعدين اكون بقى جدو بقى ويخدني واروح معاهم وجدو راح واخذ الحفيد ورايح الجامع وبعدين - [00:11:17](#)

جدو عنده الخشونة في الركبة. وبعدين جده مش قادر يصلي. وبعدين جده بيقلوا شوفوا لي الدكتور. وبعدين جده مات وبعدين تبدأ الحياة الجديدة بقى طب وجده عاشها وفكر فيها وكان منشغل بها الا ما رحم ربي. نسأل الله ان يوفقنا واياكم لحسن الختام - [00:11:36](#)

الا الذين امنوا كانوا مؤمنين فاهمين كويس اوي هو جاي ليه وعارف ليه ربنا خلق الكون وليه ربنا خلقه وهو رايح فين؟ الاسئلة دي كلها مخلياها حياته مختلفة. الايمان بيغير نظرتك للوجود - [00:11:58](#)

الامام بيخليك تدرك ان ليلة تمن ساعات تقلب صحيفتك يوم القيامة هو ده الايمان هتكون عندك ايمان عالي ومدرك كويس اوي اما تبقى مدرك ان من قرأ حرفا من كتاب الله. حرف واحد بس - [00:12:17](#)

يبدأ يتحاسب بالله عليك مين على وجه الارض بيحاسبك بالحرف في حد بيحاسبك كده في كتاب بتاخذ عليه لو كتاب حتى كتاب النبي صلى الله عليه وسلم كلام النبي صافي. حتى وانت بتقرأ كلام النبي. الحرف مش بعشرة - [00:12:37](#)

هو كلام النبي الحرف بعشرة؟ لأ. ده كلام الرب سبحانه وتعالى. طب لما تلاقي الاجور دي كلها وتلاقي واحد نايم ليه؟ لان ايمانه نايم زيارتك للمريض لما تزور مريض وانت رايح كده - [00:12:58](#)

النبي صلى الله عليه وسلم يقول لايه؟ اللي رايح ده في سبعين الف ملك يستغفرون لك. رايح بالليل حتى تصبح رايح بالنهار حتى تمسي ياه بدل ما رحمت ازور جاري المريض ده سواء في البيت ولا في المستشفى - [00:13:14](#)

ربنا سبحانه وتعالى قدر ان في سبعين الف ملك لا يعصون الله ما امرهم ويفعلون ما يأمرهم دول مش وراهم الا. اللهم اغفر لعبدك فلان الله اكبر وامتى ده بيقلوها كده ايه؟ لقطة - [00:13:31](#)

كده الدقيقة وخلص ده حتى يصبح. صليت المغرب وعملت انا الموقف ده. فين الحاج فلان ده تعبان؟ طمنوني عليه انت بتشوفوه كده صاحي اي بتروح قاعد معه خمس دقائق وماشي - [00:13:49](#)

شوف بقى من الوقت ده من الساعة سبعة مساء الى الساعة الخامسة فجرا كل الوقت ده يا اخي ده لو الشيف ماهر المعقل في الحرم لمدة دقيقة سماك بالاسم ودعا والناس امنتم انت ممكن ما تصليش ولا تصوم - [00:14:02](#)

تقول خلاص دخلت الجنة دخلت الفردوس الاعلى من الباب الايوب شعور هيبقى شعور رضا رهيب صح وده عبد مخلوق يعني يطيع ويعصي وانسان عادي طب اذا كان ربنا خلق خلق لا يعصون الله ما امرهم - [00:14:23](#)

ومش واحد ولا اتنين ولا ثلاثة ولا اربعة سبعين الف بيدعوا لك ايه اللي يخيلني انا ازور مريض هي حاجة واحدة لو ايماني عالي بكلام رسول الله عرفتم بقى يعني ايه الا الذين امنوا - [00:14:48](#)

ان واحد يتصل بك ويقول لك الحق الغشام فيه عرض على قيراطين في الغشام ببلاش بس تيجي بسرعة بدون ما حماية بتعمل دوشة وفي الغشام قيراطين ببلاش يقول لها اه في جنازة في ابو احمد الحق صلي - [00:15:07](#)

تعال نصلي عليها. اه ما هو اللي بيصلي على الجنازة وبيدفنها بياخد القيراطين صح مين اللي يحرك ويجري مين اللي هيتحرك ويجري اللي واسق ان النبي صلى الله عليه وسلم ومؤمن انه لا ينطق عن الهوى عندما قال هذا - [00:15:25](#)

لكن كثير منا بيتعامل مع الكلام ده زي ايه زي ما الايه؟ زي كده اي حد بيقول كلام احنا مش مصدقينه لكن لو انا مصدق وايماني ما هو الايمان ده جزء منه هو يرتكز على التصديق - [00:15:44](#)

لو انا عندي تصديق النبي صلى الله عليه وسلم يقول من كانت له مزلمة عند اخيه فليقتص منه اليوم طب ما انا ادرك ان وعندي ايمان عالي اغتبت اخ - [00:16:00](#)

جبت سيرة حد مش عارف في حد له حقوق عندي مادية ولا معنوية اداني قاعد كده في غاية الهدوء وساكت لو ايماني عالي هتتحرك ولو اتحركت نجيت من الخسران مش ان الانسان لفي خسر الا الذين ايه - [00:16:14](#)

امنوا فعلى حسب الايمان ده ايه اخباره؟ عشان كده يا جماعة الايمان له وجه وبقي سخن وقلبي مل اتملى منه ايه اللي هيحصل الثلاثة اللي جايبين هيتشحنوا عملوا الصالحات هتلاقيها ايه - [00:16:28](#)

طلقة التواصل بالحق طلقة تواصلوا بالصبر طلقة. طب الحاجات الثلاثة دول بقوا سخنين ازاي البنزين بتاعهم كان ايه بالايمان ولزلك دايمًا تأكد وتشوف ايه اللي بقى بيزود الايمان بتاعي؟ ايه اللي يخليني عندي يقين في النص ده؟ اللي عندي حب لتطبيق الشرع. عندي كزا - [00:16:42](#)

الاناء الايمان ده يا جماعة المعاني دي عاملة زي الشراب زي العصير زي الحاجة الحلوة زي ماء زمزم. انا دلوقتي لو معي مائة زمزم قلت يا جماعة اللي خارج كل واحد عاوز مية زمزم اللي معه حاجة هحط له فيها - [00:17:06](#)

فانت بصيت لقيت كوباية بلاستيك معك. يبقى انا هديك على قد ايه هتاخذ مية على قد الكوباية بتاعتك ففي واحد معاه فنجان هياخذ قد ايه الفنجان فيه واحد معه معلقة بزاستيك بتاعة الزبادي دي - [00:17:25](#)

هياخذ على قدها في واحد معه الله اكبر يعني كيس كده قد شيكارتين تلاتة هياخذ ايه على هاد ايه بقى الوعاء ده هو العبادة قعدتك في الجامعة دي وعاء فالكوباية بتاعتك بتزيد الاناء بتاعك بيزيد. قرأت قرآن اناك بيزيد. صليت تراويحي. الاناء بيزيد. ايه اللي يدخل في الاناء - [00:17:39](#)

الشراب الحلو المزاق الحب يدخل الخوف يدخل فعشان تلاقي ايه كده كل شوية ايه الله بقى في راحة جت منين مش جت من القعدة جت من الحركة يبقى الا الذين امنوا - [00:18:05](#)

بقى الايمان سخن وحاضر عنده. وفي قاعدة عند اهل السنة والجماعة. الايمان بيزيد وينقص. بيزيد وبالايه ايه للطاعة المعصية وترك الطاعة بيزيد بيزيد بيزيد فالايه لما بيزيد ايه اللي يحصل الانسان ينطلق - [00:18:22](#)

اكثر ويبقى ده وصف للانسان. يقول لك تعرف فلان مين فلان ده؟ يقول لك يا اخي فلان اللي بيأزن يبقى فلان الذي يؤزن يبقى الذي ديت ايه؟ وصفت وصفة هو متلبس بها الا الذين ايه؟ امنوا. يا اخي المؤمنين الا - [00:18:43](#)

بما لا يفارقهم قوة الايمان بتاعه مش يوم ماشي ويوم ويومين يقع والكلام ده فكل الانسان لما بيكون عنده الطاقة العالية دي والبنزين ده ايمانه بيزيد خسارته ايه دين الله يفتح عليكم. وكلما زاد ايمانك كلما قل خسارك - [00:19:02](#)

يبقى الا الذين امنوا وبعدين الايمان ده يعني في حد هينفع يبقى مؤمن بدون علم اه فلازم تتعلم. فانت لما اتعلمت امننت ولما امننت اشتغلت الا الذين امنوا اه احنا قلنا ان واو دي هو الجمع. يعني الاربعة حاجات دي لازم تتحقق فيك - [00:19:22](#)

الصورة دي فيها كلمة التوصية. الوصية صح؟ تواصل تواصل. عشان كده الصحابة جاء في الاثر اذا اجتمعوا فارادوا ان يتفرقوا قرأوا على انفسهم سورة العصر يذكروه بعض سورة العصر بقت شعار عندهم عند التفقد عند الفراق لان الوصية دايمًا بتيجي في الفراق - [00:19:47](#)

بيقول لك انا والدي رحمة الله عليه كان موصي صح؟ يوصيكم الله في اولادكم صح؟ والوصية بتيجي دايمًا فين؟ عند الفراق. فهما اما يبجوا يسببوا بعض يروحوا ايه؟ شعره به. والعصر - [00:20:08](#)

ان الانسان لفي خسر. يعني كده بيقول لاخته انتبه فيه خسارة ومن تحقيق الصورة وتواصل يعني تفاعل هو يقول لي وانا اقول له  
ففي تناصح بيننا فيذكروا انفسهم فالاربع حاجات دول ينجوك من الخسران قلنا الزين امنوا وايه كمان؟ وعملوا - [00:20:22](#)  
علمك اللي اتعلمته النهاردة بيدأ يحركك اتعلمت النهاردة حاجة نبدأ ايه؟ نتحرك. بنو اسرائيل اليهود كان عندهم نقص في العلم ولا في  
العمل للدليل يعرفونه كما يعرفونه اه زي ما عرف ابنه - [00:20:44](#)

هو عارفين طب ايه اللي مانعهم؟ ما فيش شغل يبقى الا لو عملوا يبقى الا الذين امنوا وعملوا صالح ولا صالحات عملوا صالحا ولا  
الصالحات بيضرب مع كل صحاب عبادة بسهم - [00:21:03](#)  
انا ما ليش اللي انا بروح للفقراء والايتام والكلام ده كله. بس انا عارف ان عم عبودة ما شاء الله عليه ده باب مفتوح له. اعمل ايه اروح  
معه مرة - [00:21:22](#)

اقول له وانت بتعبي الشنط كده انا عاوز اعبي معك مرة. ليه التنوع عاوز مرة يبقى لي دور في كده. انا مشغول وبتاع بس ما بأذنش  
مرة في يوم من الأيام اقول لهم ايه؟ معلىش يا جماعة عايز اؤذن معكم مرة - [00:21:32](#)  
تبقى كل اعمال سالحة. انا فتح لي مسلا في الصدقات في بر في صلة الارحام في حسن الجوار في اي حاجة فاجي في البنود الثانية  
ابدأ ايه؟ اشيل جنينه بسهم - [00:21:46](#)

سهم سهم سهم عشان يجي يوم القيامة عملوا الايه وعملوا الصالحات الا الذين امنوا وعملوا الصالحات مش صالح واحد ولا اتنين ولا  
ثلاثة لا لا يا جماعة وده يخلينا بقى نفهم فيه شهة كبيرة جدا جدا ناس بدنها تقولها من اللي بيبقى بعاد شوية. يقول لك ايه -  
[00:22:01](#)

بص يا عم الشيخ والله العزيز لو ربنا فتح قلبي وانت شفته لا تلاقيه ابيض من الجلابية الدافئة البيضة انا جوايا ابيض. انا ابويا الله  
يرحمه كان يقول لي يا ابني اهم حاجة القلب - [00:22:24](#)  
انك تقلب يعني ماشي؟ اهم حاجة الاهلي في قاعدة يا جماعة اذا صلح الداخل ظهر على الخارج الا ان في الجسد مضغة. اذا صلحت  
صلح الجسد كله ياد بالله عليك - [00:22:39](#)

والدك راجل ربنا يعني يحفز الجميع. والدك راجل مريض نسأل الله ان يشفي جميع مرضى المسلمين ومش بيقدر يقوم بسهولة فهو  
قاعد كده قال لك يا فلان. قلت له نعم يا ابي - [00:23:00](#)  
يقول لك يا ابن الله يكرمك كوباية مية حاضر عدت عشر دقائق. يا ابني الله يكرمك كوباية مية انا تعبان حاضر يا ابي ففي الثالثة يا  
ابني انا هموت عاوز مية وسابي انا بحبك - [00:23:14](#)

وانت اجمل حاجة في حياتي. بس سبني العب الجيم ده ساعة كده طيب عندي بس دلوقتي اخلصه واجيب لك مية. يا ابني انا مش  
عارف ابلع يا ابني بموت والله انا بحبك يا حاج - [00:23:30](#)  
طب خد بوسة في الهوا والله انت اجمل حاجة في حياتي شوية هجيب لك مية حاضر بشوية طب يا ابني الله يسامحك طفي النور  
معلىش عشر دقائق كمان عجل باقي كمان. يا ابني الله يحفزك. طب تعالى اقعد الظهر - [00:23:43](#)

انا خلاص القرع بهدلتني عم اخت ديك اصل انا بحب ان اختي هي اللي تاخذ الاجر ابن اختك شغالة وهتيجي بعد ساعتين لا لا هي  
قالت هتيجي بالليل كمان مش ساعتين - [00:23:59](#)  
بس انا بحبك. انت اجمل حاجة في حياتي. ويكتب على الفيس. اجمل اب ده ولا ايه هتقولوا ايه على الراجل ده اللي سايب والده من  
عشر ساعات مش عاوز يجيب له نقطة ميه يشربها - [00:24:13](#)

مش عاوز يعدل ضهره مش عاوز يفتح النور. الراجل ده بيسمع كلام ابوه الراجل ده بيحب ابوه في حد من القاعدين عنده احتمال  
واحد في الالف ان الولد ده فعلا كلامه صادق - [00:24:26](#)  
طب ليه بنعمل كده مع الرب لماذا نفعل هذا مع الله لماذا نفعل هذا مع كلام رسول الله صلى الله عليه وسلم ينفع تقول لوالدك في  
الموقف ده مستحيل الاب الرحيم ده يقوم ابنه وهو بيلعب ويقول له هات لي مية ، مستحيل الاب الجميل الودود ده يبقى عارف ان

انا مكسل - 00:24:40

يقول لي قم طفي النور. لا لا لا مستحيل مستحيل ربنا الرحمن ده يقول لي يغطي ويغطي شعرك مستحيل النبي الرؤوف الرحيم اللي يحب الناس يقول لي انت المفترض تعمل كذا ومفترض لا لا انتم اللي عصبتوا الدين - 00:25:07

صح؟ في حد ينفع يعمل؟ عشان كده وعملوا لازم يبقى في زهور للشغل ده لو انت صادق فعلا احنا في الدنيا بنشتغل ما حدش بيشتغل بالنية في الدنيا. نيحي في الدين يقول لك ايه؟ اهم حاجة قلبك - 00:25:29

مش مش شرط العمل ان الله ينظر الى قلوبكم واعمالكم الاتنين دول مهمين بس يبقى عندك امتحان ويحي زميلك يقول لك ايه بص مش احنا عندنا في الشرع انما الاعمال بالنية - 00:25:45

تقول له اه يا لبيب يقول لك طيب انت ناوي تكون جايب تقدير ولا ناوي تقدر على ابيك لانها يجب تقدير بس تؤجر بنيتك تعالى بقى نكملها في القهوة ونقعد ونأنتخ وعمال دكتور بيحي في الشفاء ولا حاجة نقول له ايه - 00:26:01

نيتني انت عارفها طب ما نقعد يا عم ما اروحش القهوة ونيتنا ان احنا نتبسط خلاص يقول لك لأ القهوة اصحى يا عبد وانا اصحى معك صح يبدأ بقى يدخلك في متاهات - 00:26:23

ده لعب ما حدش منا بيقبل كده ما حدش منا هيقبل من ابنه اللي في الحضانة. مش هقول لك اللي في سانوي. نقول له بص يا ابي انا ناوي ان انا احل الواجب - 00:26:42

احله بقى ما احلهوش مش بتاعتنا لان الرب ايه مطلع على فين يا ابي؟ هنا. مش انت علمتني كده ايه اللي هيحصل هتلاقي كفو سلم على خدك ليه؟ لانك بتقول كلام غير واقعي - 00:26:55

عشان كده او او تالت خصلة احنا قلنا اول حاجة ننتبه للبيئة. بعد كده الايمان. الحاجة التالته العمل العمل كلما اشتدت خاصة اليومين دول استنفار يا باغي الخير ايه اقبل يعني يعني يا اللي عاوز اي خير - 00:27:14

في استنفار الحق والله العزيم الايام الليالي اللي احنا فيها دي عاملة مع الفارق الكبير يعني كانك دخلت قصر مليون مجوهرات وكنوز وصاحب القصر بيقول لك ايه؟ ادخل لك عشر تيام خد اللي تقدر تاخده - 00:27:35

واعبي بقى وخذ يا سيدي كنتينر خد خد اللي نفسك فيه وفيه واحد يروح داخل يقول الله السلسلة دي بتزكرني بامي والله سبحانه الله كان العقد ده كان لها عقدة زي كده بعد ما يتصور كده تعال كده نعد فيه كم ايه؟ كم فص؟ وكم مش عارف ايه - 00:27:59

اربع خمس ست تيام بيعد في الفصل شوية شاف قلنا كده وبتاع مجوهرات وبتاع بيلعب فيها بتاع لقي واحد بيقول له يلا الوقت خلص طبعا شايفة واحد طالع ايه بست سبع تمن سفن محملة ولا الكونتينر محمل وواحد المجوهرات وهو داخل بايه؟ طالع بايه -

00:28:16

بدلاية بتاعت اخته الصغيرة راضيها دي دي اللي طلعت بها؟ اه اصل انا كنت يعني ما انشغلت وافتكرت امي وانا جوة ينفع احنا داخلين على ايام استنفار اي حد يعطلك عن الاستنفار ده قل له العيد - 00:28:37

نتقابل في العيد انا مش فاضي على طول بقى صداقات وجود للفقراء اطعام تفتير صايم قرآن تراويح تهجد استغفار صلاة على النبي صلى الله عليه وسلم استنفار يا جماعة على قد ما تقدر - 00:28:59

خلي صحيفتك ديت يعني لو ان الله اخرج اخرج صحيفتك دلوقتي واحنا شفناها. نيحي نشوفها يوم العيد كإنسان يعني اللي يشوفه دلوقتي يقول لك ايه يا ابني ده! انت عمك ابو لهب - 00:29:19

انت بتيحي تصلي معنا الفجر ازاى ده انت الصحيفة بتاعتك حتى العشرين يوم بتوعة رمضان انا حاسس ان انت كنت قاعد في حي الصفا مع عتبة ابن شيبه اشوفك يوم ما يعيد - 00:29:36

احس ان انت تربية ابو بكر الصديق ايه ده يا عم ايه اللي حصل اهو هو ده اللي احنا عاوزينه ان العشر تيام دول انسى خالص انت كنت ايه لو كنت انت ابليس اللي كان بيستعملك السنة اللي فاتت دي كلها وكنت يعني العطشجي بتاعه الصبي. انسى - 00:29:49

خلاص امسح الكلام ده كله ممكن يتمسح وايه كمان؟ ويبدل الله تلك السيئات حسنات ارتكاب فاحشة يتقلب حسنات آآ مش عارف

00:30:10 - غيبة ونميمة يتقلب حسنات. نزر وكلام وانت ما تعرفش انا عملت ايه -

شوف لو عملت لو كنت مرتد وجيت واسلمت وعدت حياتك هتتقلب فاحنا عاوزين نخرج من الخسارة الخسارة دي والخسران يوم

00:30:28 - العيد اكون انا من الفائزين فعلا وحققت الصورة دي فعلا وعشت مع معانيه -

فاسأل الله سبحانه وتعالى ان يتم علينا وعليكم النعمة. واسأل الله سبحانه وتعالى ان يجعلنا واياكم من المستنفرين في الخيرات السابقين الى البركات فاسأل الله ان يمن علي وعليكم بحسن عمل وحسن خلق وحسن ختام. اقول قولي هذا واستغفر الله لي ولكم -

00:30:53

00:31:10 -